

## 1 enformaziuns y termins

**KVW Senioreclub:** en dedemesaledema ai 9 d'otober piunse ia ales 8:00 con le bus dal Cone demez por jí al Achense, con Santa messa a Eben, dlijia de Santa Notburga, abelida dal Cor dal Senionrenclub; al é da se prenoté pa Lidia, ☎ 3397899107.

**Edemes dla sanité 2019** - program: **Lönesc, 7.10** ales 20:00 te Ciasa dles Uniuns a **La Pli**; "Pó demanco ince ester deplü?". Ref.: Christian Ferdigg; **dedemesaledema, 9.10** ales 20:00 tal Salf dla Cassa Raiffeisen a **Al Plan**; "Chaos im Kopf. Depressive Verstimmung, Burn out oder Depression". Ref.: Ivano Simioni; **Vendres, 11.10**, ales 20:00 tal salf dles manifestaziuns a **Rina**; "Entgiftung - Regeneration – Abnehmen. Ist Intervallfasten wirklich die Lösung?". Ref.: Christine Pfösti.

**Prejentaziun:** düc é der bel enviés ala prejentaziun dal liber "Pederü - Storia, stories y svilup" de Pablo Palfrader, en vendres ai 11 d'otober ales 19:00 ta Pederü. Le liber cunta la storia dla Ücia y de trec avenimonc sozedüs ta Pederü, tla Val de Mareo y sö alalt tles munts. Dedô picio renfresch y musiga con Alexander d'Al Plan y compagns.

**Sorvisc ai Jogn/1:** le laur davert por la Joneza, proiet metü a ji dal SaJ por düc i jogn y les jones dla scora mesana y alta dertan l'ann de scora, met man dai 7 de otober. A al Plan le dedolönesc dales 14:30 ales 17:30 te salf dai jogn y la jöbia dales 14:30 ales 17:30 te palestra. Dertan cösc orar de daurida dai salf dai jogn y dles palestres gnarál pité en program rich de ativités de tomp lede (cujiné, pastelné, jüc y trep deplü).

**Sorvisc ai Jogn/2:** le sorvisc de consulenza por jogn, jones y geniturs sön temesc co reverda la joneza y l'educaziun é endô atif dai 11 de otober ennant con cösc orar: vigne 2° y 4° dedemesaledema dal mens dales 09:30 ales 11:30 tal Zenter Pedagogich a Picolin y vigne 2° y 4° vendres dal mens dales 13:00 ales 15:00 tal ufize dal Zenter dla joneza y dla cultura SaJ.un a La lla. Al ne va debojügn de degüna prenotaziun y la consulenza é debann. Enformaziuns: barbara@jogn.org o ☎ 342 8410721.

**Grup jonil dla Crusc Blanca:** aste danter i 14 y i 18 agn y oresseste fá pert de n bel grup de jogn y emparé les bases dal Pröm Aiüt? Te cösc cajo ví ince tö pal grup jonil dla Crusc Blanca de Mareo. Enformaziuns y iscriziuns al ☎ 349 3374732 o por mail vigil.sl@wk-cb.bz.it

**La Uniu di Ei da Lungiarü** organiseia n marcé de patüic de secunda man - da d'invern - por mituns y mitans, ai 20 de otober dales 9:30 ales 12:00 te palestra da Lungiarü. Chi co á val' da vene pó se prenoté cina ai 12 ' otober al ☎ 380 5145840 (09:00 - 12:00) o al ☎ 340 3242376 (18:00 - 21:00).

**Ocio:** en jöbia, ai 10 d'otober gnarál tigní na proa d'alarm de proteziun zivila. Encer les 10:00 podarán aldí por n minut alalongia le segnal d'alarm dles sirenes. Con la proa d'alarm vegnel fat conesce ala popolaziun le segnal deproteziun zivila. Al ven envié da ascuté les indicaziuns co ven comunicades tres le radio!

<b>Döt le bun a:</b>	Teresa Taibon ved. Konrater	* 06.10.1930
	Vesco Ivo Muser	ordinaziun 09.10.2011
	Maria Rigo ved. Daverda	* 11.10.1935
	Metilde Frontull ved. Vollmann	* 12.10.1914
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le **dedemesaledema** sera a Franz Rigo: ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



# Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas  
E-mail: [ploania@gmx.net](mailto:ploania@gmx.net)

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



Ann C

06.10.2019 - 27. domegna ia por l'ann  
SEGRA DAL ROSARE

n. 45



📖 **Aba 1, 2-3; 2, 2-4 | 2 Tim 1, 6-8.13-14 | Lc 17, 5-10**

**Dal Vangelo do San Lüca:** (*Vangelo dla 27. domegna ia por l'ann*)

Te chel tomp <sup>5</sup>á i apostui perié le Signur: Renforza nosta fede! <sup>6</sup>Le Signur á respognü: Sce osta fede foss ince ma tan grana co n granel de senf, podesses dí a cösc len da bromeres: Álzete con tões raísc fora de tera, y emplanteiete tal mer!, y al ves olgass. <sup>7</sup>Sce önn de os á n stlaf co é pal aré o co verda i tiers, ti díjel forsc canch'al ven dal ciampopré: Fate atira pormez a mangé? <sup>8</sup>Ne dijarál nia plülere; Famo val' da mangé, arjignéte y sorvescemo, y do ch'i ará mangé y boü, poste ince tö mangé y bere. <sup>9</sup>Ti díjel mo iolan al stlaf, deach'al á fat ci ch'al gnü comané de fá? <sup>10</sup>Ensciö déssera ince ester pa os: Canch'i areis fat döt ci ch'i seis gnüs comanés de fá, desses dí: I sun de püri stlafs, i án fat nosc dovei.

**Oraziun dal de**

*Periun! Dio onipotent, te töa bunté nes daste deplü co ch'i se miritun: tol demez, ci co nes pesa söla coscionza, y dassé che pêsc, che ma töa misericordia é bona da dé.*

*Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen.*

(Lezionar C)



📖 **Letöres dla 28. domegna ia por l'ann:**

**2 Resc 5, 14-17 | 2 Tim 2, 8-13 | Lc 17, 11-19**

## Edema liturgica dai 06.10. ai 13.10.2019

<b>DOM 06.</b>	<b>27. domegna ia por l'ann SEGRA DAL ROSARE</b>	<i>Bruno, Renato, Isidor, Adalbert</i>
<b>08:30</b>	<b>gran messa</b> ciantada en onú de Santa Maria por döta la ploania <b>3. s.m. de sopoltöra</b> por † Carlo Ploner y <b>corona dla comunité</b>	
<b>14:00</b> <i>10:00</i>	<b>espi da festa y prozesciun</b> en onú de Santa Maria fora Brach <i>s.m. a Al Plan</i>	
<b>Lön 07.</b> <i>07:30</i>	<i>memoria de Santa Maria dal Rosare, Iustina</i> <i>s.m. a Al Plan</i>	
<b>Ded 08.</b> <b>07:30</b>	<i>Sciomun, Sara, Günther</i> <b>s.m.</b> por fam. Franz y Veronica Peslalz, La Pli <b>s.m.</b> por † Gabi Steinbrecher Maneschg, San Laronz	
<b>Dem 09.</b> <i>18:00</i>	<i>Dionisius, Denis, Johannes Leonardi, Sibylle</i> <i>s.m. a Al Plan</i>	
<b>Jöb 10.</b> <b>19:30</b>	<i>Daniele Comboni, Victor</i> <b>s.m.</b> por i nüc Jonas Ellecosta y Johanna Hinterlechner <b>s.m.</b> de rengraziamont dla fam. Jep y Helene Ellecosta, La Costa <b>s.m.</b> de rengraziamont dla fam. Lukas y Barbara Taibon, La Pli	
<b>Ven 11.</b> <i>07:10</i> <b>16:30 - 18</b>	<i>Giovanni XXIII°, Bruno</i> <i>s.m. a Al Plan</i> <i>confesciuns sö Oies</i>	
<b>Sab 12.</b> <b>07:30</b>	<i>Sabeda de Santa Maria Maximilian, Gottfried, Serafin</i> <b>s.m.</b> de rengraziamont dla vita por Metilde Frontull ved. Vollmann <b>s.m.</b> de rengraziamont dla fam. Jan y Teresa Taibon, La Pli	
<b>DOM 13.</b>	<b>28. domegna ia por l'ann Festa dai Ministronc</b>	<i>Eduard, Andreas L., Aurelia</i>
<b>08:30</b> <i>10:00</i>	<b>gran messa</b> por döta la ploania <i>oferta por i debojügn dla ploania</i> <i>s.m. a Al Plan</i>	
<i>ampola:</i>	por fam. Jan y Teresa Taibon	
<i>ministronc:</i>	▶ da doman y domegna: Rosina y Daniel ▶ da sera y domegna: Thomas y Pire	
<i>i recordun:</i>	Beniamin Ellecosta, <i>Valdaora</i> Ioanna Pedevilla Schmitzer, <i>Australia</i>	+ 07.10.2010 + 07.10.2016



## Con la forza dla fede (Lc 17, 5-10)

### I ponsi do

*I apostui capesc che la fede é na scincunda de Chelbeldio y ch'ara pó ma ester sterscia y grana sc'ara nasc dla oraziun y dla creta te el.*

*I ne messun nia gní „super eroi“ dla fede: al basta na picia mosöra sonziera por ester bogn da fá mirachi y de gran cosses.*


### I preii ensciö

Fá cresce nosta fede, Signur, ch'ara sii por nos löm y s'accompagnes tles dezijiuns dla vita. Fá cresce nosta fede, Signur, canch'al al se mancia le coraji da te testimonié y i s'ascognun plü ienn y scutun chic. Fá cresce nosta fede por trasmete ligreza y porté pesc al monn. Scinchesse na fede co s'alza sora vigne cossa, ince sce ara é picera; na fede co sá da afronté les situaziuns plü ries, ince sc'ara é sciompla; na fede co dá forza da desdrü les raisc dal mal, ince sc'ara é debla; na fede co é loe por en monn nö, ince sc'ara é tendra; na fede co é le tesur plü prezios co arichesc vignönn, ince sc'ara é püra. Fá cresce, Signur, cösc capital de creta tal cör de düc nos.

*Walter Cazzaniga, Parola amica – Il Vangelo della domenica per ragazzi*



## Santa Maria dal Rosare



*„Das Rosenkranzgebet ist ein Gebet des Herzens, nicht des eifrigen Mundwerks“ (Gabriele Burchardt).*

Les mans á val da brancé. Les perles y les parores dá sosten y concentra i ponsiers sön Gejú, sön söa vita, desche la bibia s'la cunta. Mo co podesson pa ti roé plü dampró a Gejú co con söa oma, co ti é le plü dlungia ?



## Vita de ploania y de paisc

- **Sontada dal consei pastoral en jöbia ai 10 d'otober**, ales 20:00: edema dla fede, festa dai iubilars da noza, advent.
- **Iubilei da noza**: la ploania tin en domegna **ai 17 de november** la festa por i iubilars da noza y envieia düc chi co festejeia en iubleo de 25-30-35-40-45-50 ... agn da fá empara. Al ven perié da s'anunzié cina ai 15 d'otober pa Jan Agreiter, ☎ 339 6758622.



## Unité Pastoral Val Badia

La Unité Pastoral Val Badia ricorda che al ven pité sö Oies **vigne vendres dales 16:30 ales 18:00** la poscibilité da se pissié o ince se baié fora con en preo. Chisc é i ploans co se met a desposiziun tai proscimi dui mensc:

11.10 sig. Andreas Perathoner  
18.10 sig. Heinrich Ellecosta  
25.10 sig. Franz Sottara  
08.11 sig. Heinrich Perathoner

15.11 sig. Iaco Ploner  
22.11 sig. Paul Campej  
29.11 sig. Degan Iaco Willeit